

Espectaculo Local

Sashah un biaha mas ta dal un hit duro cu "T'abo So Por"



E tabata e hit di siman! Algun emisora tabata hasta toca e cancion, cada ora.

Recientemente, Tsunami a lanza su cancion promotional "T'abo so por" den voz di Sashah Figueroa. Y asina cu el a cuminsa toca na radio, el a bira un hit instantaneo. DIARIO Espectaculo a nota cu ya caba el a subi lista di Top Hits di un emisora local.

Michael Odor ta e arreglista di "T'abo so por" y e ta un composicion di Chucho Hoek, kende ta e mesun compositor di cancionnan exitoso di Tsunami, manera "Ay Esta Dushi", "Maske Ta Un Biaha", "Mi Rehen", "Primi mi", "Tango".

Tambe un di e ultimo cancion nan cu Chucho Hoek a compone pa Tsunami ta "Candela ta spart" di e cantante Jalil Hallman y recientemente "Trata mi bon" canta pa Sashah Figueroa.

DIARIO Espectaculo a haya sa, cu Chucho ta ocupa e dianan aki cu un otro cancion mas, pero esaki pa Mitch

TA BO SO POR

Ansioso sinta akinan
pura pa bo blo pa haci amor.
Nervioso sin por controla
e gana fervor den mi interior.

Ya fo'i trempa mi a prepara pa nos escape pasional.
Tur makiya, bon perfuma, den lingerie super sensual.

T'abo so por
duna mi amor
cu semper mi a desea.

T'abo so por
duna mi amor
Cu mi paden ta anhela.

Sabroso e cos aki ta,
ora nos ta hunto den dushi profundo.
Dichoso di tin bo mi ta.

T'un cos di un otro mundo mi ta sinti cu bo

Ya fo'i trempa mi ta'kinan pa nos encuentr'ocasional.
Bon prepara, tur calenta, den paña interior sensual.

t'abo so por
duna mi amor
cu semper mi a desea.

T'abo so por
duna mi amor
cu mi paden ta anhela.

T'abo so por, duna mi amor
No tarda, no laga mi warda.
T'abo so por, duna mi amor
No faya, dushi bin pa caba.

T'abo so por, t'abo so por
duna mi amor, duna mi amor
t'abo so por, t'abo so por

Almary, kende ta e cantante mas recien den Tsunami formando ya caba mas di 3 luna den e popular banda di Aruba.

Awe como un treat special pa lectornan, DIARIO

Espectaculo ta spera cu bo por disfruta di e letra di "T'abo So Por" y corda cu Tsunami ta na caminda pa celebra su 10 aña di existencia na Januari venidero, y cos nan grandi na caminda.